

Powšitkowne WOZJEWJENJA

njedźelu, 17. meje 2015

Nalětni koncert na klóšterskej zahrodže

Křescánsko-socialny kubłanski skutk z.t a chór Lipa z.t. přeprašujetej na tradicionalny nalětni koncert do zahrody zežiwjenskeho a zeloweho centruma w klóštrje Marijinej Hwězdze w Pančicach-Kukowje njedźelu, 17. meje, w 15.30 hodź. Na kčějatej zahrodže zaspěwa chór Lipa pisany kwěčel pěsnjow na rjanosć přirody. Hóštny chór je lětsa džěcacy chór Budyskeho Serbskeho gymnazija pod nawodom Bernadety Hencyneje. Wot 15.00 hodź. poskića tam kofej a tykanc.

Předstaja nowu knihu wo putnikowanjach Serbow

Nowu putnisku knihu „Ze žohnowanjom na puć“ předstaji Ludowe nakładnistwo Domowina wutoru, 19. meje, w 19 hodź. w awli Šule Čišinskeho w Pančicach-Kukowje. Wudawačel farar Gerat Warnar a dalši awtorojo budu z njeje čitać. Na tym wječoru knihu pokićeja.

Beachvolleyballowy turněr

Dekanatne dušepastyrstwo młodžiny přeprašuje sobotu, 6. junija, wot 15 hodź. na beach-volleyballowy turněr do Ralbic. Mustwa njech so prošu hač do štwórtka, 28. meje, w Don Boskowym domje pod telefonowym čisłom (03 57 96) 9 59 95 abo na facebookowej stronje „Referentka DekanatnaMłodzina Worklecy“ přizjewja. Hrać budže so, jeli so znajmjeńša štyri mustwa přizjewja.

Sčinja chórowu hudźbu popularnišu

Młody chór „Festino“ ze Sankt Petersburga wuhotuje srjedu, 27. meje, w 19.00 hodź. w Chróšćanskej cyrkwi koncert. Při tym spytaja spěwarjo runje młodym ludžom chórowu hudźbu popularnišu sčinić. Spěwaja rusku a europsku barokowu runje tak kaž načasnu hudźbu 20. a 21. lěstotka. Wšitcy su wutrobnje přeprašeni.

Za putnikowanje do Krupki so přizjewić

Młodostni wot 16 lět su přeprašeni wot njedźele, 26. julija, do Krupki putnikować. Woni nawróca so pjatk, 31. julija. Přizjewić měli so zajimcy hač do pjatka, 26. junija, w Chróšćicach na farje, telefonowe čisło (03 57 96) 80 400. Po tym so přizjewjenja hižo njeprějimuja. Putnicy zetkaja so njedźelu, 5. julija (nic 29. junija, kaž bě to raz planowane), po nyšporje w Chróšćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

2. Alojsowy festiwal w Radworju

Wot pjatka do njedźele, 3. do 5. julija, wotměje so w Radworju 2. Alojsowy festiwal. Wjace hač 200 młodostnych zwonka Łužicy je hižo přizjewjenych. Nadrobniše informacije nańdžeće na internetowej stronje www.alojsfestival.com.

Za wulět samostejacych so přizjewić

Samostejacy ze serbskich wosadow změja wutoru, 2. junija, swój lětuši zhromadny wulět z busom, kotryž powjedže do Choćebuza a do Błótow. Zajimcy njech so hač do wutory, 26. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedzela do wulěta wozjewja.

Pytaja rjedžerku za nócnu službu

Dom swjateho Jana w Smječkecach pyta rjedžerku za nócnu službu. Džělowy čas je wot 20 hodž. hač do ranja w 6 hodž., a to dwě do tři nocy wob tydžeń. Městno ma so 1. junija, najpozdzišo 1. julija wobsadzić. Swoje pisomne požadanje pósćelće prošu na adresu: Dom swjateho Jana, Tadej Šiman, Janska kupjel 1, 01920 Worklecy.

Do Swjateho kraja

Drježdžanski biskopski ordinariat skedźbnja na putnikowanje „Po bibliskich slědach w Swjatym kraju“. Tute wotměje so wot pjatka do pjatka, 18. do 25. septembra. Nawoda budže farar na wuměnkku Norbert Jensch z Drježdžan. Zajimcy měli so hač do 3. julija w ordinariaće pod telefonowym čislom (03 51) 3 36 47 83 přizjewić. Nadrobny program putnikowanja je pod www.posol.de wozjewjeny.

Putniska jězba do Fatimy a do Santiaga de Compostela

Maćij Hadank z Hórkow organizuje putnisku jězbu z lětađlom wot pjatka hač do pjatka, 11. do 18. septembra, do Fatimy a Santiaga de Compostela. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodž.) abo pola njeho w Hórkach, Sydlišćowu puć 2.